

ser cazuto a la leze; la qual leze è, bandito per do
anni di officio e beneficio e Conseio.

509 *Scurtinio di un Savio di terra ferma
che manca.*

Sier Piero Bragadin fo baillo a Constan-	
tinopoli, qu. sier Andrea	92.115
Sier Santo Trun fo savio a terraferma,	
qu. sier Francesco	106.106
Sier Alvise di Prioli fo proveditor al	
sal, qu. sier Francesco	54.139
Sier Andrea da Molin <i>dal Banco</i> fo	
capitanio a Baruto, qu. sier Marin	88.125
Sier Lodovico Falier fo ai X officii, qu.	
sier Thomado	80.136
Sier Troian Bolani el grando, qu. sier	
Hironimo	77.141
Sier Silvestro Memo fo a le Raxon Ve-	
chie, qu. sier Michiel	56.162
Sier Marco Antonio Calbo fo a le Ra-	
xon Vechie, qu. sier Hironimo	98.119
Sier Gabriel Venier fo avogador, qu.	
sier Domenego	96.117
Sier Filippo Trun fo synico e avoga-	
dor in Levante, qu. sier Priamo	99.116
Sier Hironimo Polani el dotor è di la	
Zonta, qu. sier Giacomo	80.137
Sier Piero Diedo è di Pregadi, qu. sier	
Francesco, qu. sier Antonio procu-	
rator	79.138
Sier Marco Antonio Grimani fo ai X	
officii, di sier Francesco	70.145
Sier Lorenzo di Prioli el cavalier, fo	
ambassador a la Cesarea e Catolica	
Maestà	83.128
Sier Nicolò Justinian fo baylo a Napoli	
di Romania, qu. sier Bernardo	82.127
Sier Domenego Pizamano fo conte e	
capitano a Traù, qu. sier Marco	60.157
† Sier Zuan Nadal Salamon fo savio a	
terra ferma, qu. sier Thomà	112.103

È da saper. Essendo stà hozi a vespero preso
per Zuan Agnolo vice capitanio grando del Con-
seio di X uno monetario piemontese con sua moier
qual steva a S. Giacomo di l'Orio in Ixolo dove li è
stà trovà assà monede false, *videlicet* mocenigi da
soldi 18, da soldi 4 1/2 bellissimi; *etiam* ducati, et
conduti a S. Marco fo chiamà li Cai di X, tutti tre, li
quali andono a esaminarlo, et par confesasse. Et si

dice acusò sier Piero Trivixan *da la Drex* qual ha-
via parte con lui et altri; *unde* venuti li Cai di X in
Pregadi, stati un poco, volendo li Savii continuar a
metter parte, andono a la Signoria dicendo al Se-
renissimo voler il Conseio di X per cosa che im-
porta, et meter di retenir un zentilhom. E cussi
statim fo chiamà il Conseio di X in Quarantia Zivil
per una parola, et il Serenissimo con li Consieri
andono, et credo prendesse questo monetario fusse
ben retenuto, et la moier, colegiandolo etc.; et
etiam di retenir el ditto sier Piero Trivixan po-
tendolo aver, se non, proclamarlo etc. Et poi ussìte
il Conseio di X, et ritornò il Serenissimo e la Si-
gnoria et li altri in Pregadi a continuar.

Fu posto, per li Savii del Conseio et terra ferma, 509*
una lettera a l'Orator nostro apresso la Cesarea et
Catholica Maestà. Come, essendo stà fata liga etc.,
nominando con chi, a fin di pace et quiete; et do-
vendo esser richiesta da li oratori del re di Anglia
insieme con quelli di collegadi li fioli del re Chri-
stianissimo e la liberation del Stado di Milan etc.;
per tanto in questo caso, essendo richiesta da li
altri oratori, debba *etiam* lui *nomine nostro* in-
sieme andar da quella Maestà; et se li altri oratori
toranno licentia di partirsi, *etiam* lui debbi tuor
licentia con parole che non alteri quella Maestà, re-
chiedendo uno salvo condotto; et si parti venendo
a la volta di Franza *ut in litteris*. Et se li avisa di
l'aquisto di Lodi dal nostro exercito, e come erano
unìti con lo exercito pontificio. Ave:

Fu posto, per li Consieri, Cai di XL e Savii *ut
supra* di mandar Alvise Sabadin secretario in po-
stà in terre di sguizari per far la quietazion a li
noncii del re Christianissimo di ducati 40 milia dia
mandar li per pagar sguizari; al qual siali dato du-
cati 100, essendo ubligato nel ritorno monstrar
conto. Fu preso. Ave: 202, 6, 1.

Fu posto, per li Savi del Conseio, terra ferma et
ordeni, la comission a sier Alvise d'Armer va Pro-
veditor da mar in ponente, che se interzi, vadi a
presso a Corfù, toy 12 galie sotil apresso la sua,
ben in ordine, passi in levante, trovi le galie del
Papa et poi quelle del re Christianissimo, et siegui
quanto sarà ordinato; et sarà capitanio il conte
Piero Navaro. *Item*, se li dà ducati 14 milia, di quali
dagi 2 page a le galie menerà con se, et trovando
galie non habile quelle fazi incambiar; menar
debbi qualche una che sia armata in Candia, et le
do galie di Cypro, trovando in cambio le galie et
quello manca. *Item*, se li dà un groppo venetiani da
dar al Proveditor di l'armada pagi le galie reste-